


**E BÈRDAT**

**KU A SALI  
HERÚSALÉM**

**PA TUR  
NASHON**

T. P. (DIDI) BARTHOLOMEUS

## E BÉRDAT KU A SALI HERÚSALÉM PA TUR NASHON



### E BÉRDAT KU A SALI HERÚSALÉM PA TUR NASHON

Derechi reservá

Ta prohibi pa reproduci parti of e totalidat di e buki aki sin outorisashon di e outor.

Prome edishon: Oktober 2009 Outor: Theodoro P.

Bartholomeus. *Imprimi pa:* Mag Colors

*E kuadro aki ta simplemente un ilustrashon, pa yuda nos komprondé ku si nos kompará e evangelio ku un liña bédé ku a sail di Herusalém, komo speransa di salbashon pa tur nashon, e liña bédé ei mester yega Kórsou, Aruba i Boneiru e mesun bédé ku e la sali Herusalém. Dios no ta aseptá ni un minimo kambio. Ni di bédé skur pa bédé kla, ni di bédé kla pa bédé skur. Beibel ta bisa ku kambio di e evangelio ta maldishon. E mente sano ta komprondé ku kambio di e evangelio ta trabou di diabel.*

## KONTENIDO

Introdukshon.....	04
Un konseho balioso.....	06
01. Den reino di ken nos ta bibando aktualmente?.....	08
02. E bérdat ku a sali Herúsalem pa tur nashon.....	12
03. E Iglesia den figura.....	15
04. E programa di un trupa i un Wardadó.....	19
05. Esnan ku venenu no ta mata.....	21
06. Pakiko Satanas ta ataka e muhé di Revelashon 12?.....	24
07. Loke hende ta brua kuné.....	27
08. Despues di esaki no tin mas duda.....	31
09. E konflikto ku lo baha Hesus for di shelu.....	35
10. Otro bruashon ku kartanan di Pablo.....	41
11. E importansia di nasementu di nobo.....	44
12. E fabor mas grandi den nasementu di nobo.....	47
13. Realidat di bida.....	51
14. Diabel ta gaña mundu falsifikando tur Dios Su bèrdatan.....	55
15. Alimento pa e yunan di Dios.....	57
16. E boutismo di Hesus.....	61
17. Ta Dios Su boluntad pa Su yunan usa prenda?.....	65
18. Manuelito.....	68
19. Dios ta bendishoná, kura i libra hende di e number 666.....	73
20. Humildat di kurason.....	76
21. E frakaso di e diesdos tribunanan di Israel.....	80
22. E Lei di Dios ta pa protekshon.....	84
23. Hesus a pèrdè na edat di diesdos aña?.....	87
24. Éksito di nos bida.....	90

## Introdukshon E motibu pa skirbi e buki aki

Dios a yama mi pa un mishon speshal, pasobra mi tabata mashá preokupá ku tantu opinion ku tin tokante di e evangelio. Mi a kuminsá resa pidi Dios mustra mi kon e evangelio tabata na prinsipio ku Hesus i e apóstelnan.

Despues di shete dia di orashon, Dios a kuminsá revelá e bérdatnan balioso ku nunka mi mes no por a yega na nan. Bérdatnan asina balioso i presioso ku ta kita tur duda i kontestá tur pregunta i ku no ta laga lugá pa diskushon, i ku ta Dios so por revelá nan na hende. Anto mi a mira seriedat di e asunto aki.

Apesar ku mi tin un responsabilidat komo tata di famia, i mi ta okupá ku trabou, mi a pone e mishon di Dios pa prediká e evangeiio na promé lugá den mi bida. I Dios a laga mi mira hopi fruta di e trabou i tambe hopi señal. Dios a mustra mi den soño ku hopi hende lo komprondé e boluntad di Dios, i biba ku e speransa bienaventurá di salbashon i di Hesus Su pronto binida.

I mi a mira kumplimentu di e soño aki. I di e hendenan aki, algun ku tabata sklama na Dios, pa nan salu i salbashon, Dios a permiti nan mirá mi, den nan soño ta prediká e bérdat ku a sali di Herusalém. Algun a kura, i e hòmer ku a pèrdé su pianan kaba, Dios a must'é ku lo e haña su pianan atrobe i ku lo e kana drenta Herusalém nobo.

Tur e kosnan aki a sosodé, no pa hende mirá mi i duna mi gloria, sino pa hende komprondé ku e obra aki ta bini di Dios. I pa mi mes por komprondé ku mi mester ta kuidadoso den mi sirbishi den e obra di Señor i semper humilde, tame Dios i dun'E gloria.

Pa hopi tempu mi a prediká kampaña di bintikuater estudio di memoria sin nada skirbi. Un dia un ruman, ku diferente biaha Dios a usa pa bisa mi algu a bisa mi, "Mi ta mira ku loke bo ta prediká ta bini di Dios, pasombra bo ta prediká henter e seri di memoria sin brua nan den otro. Pero bo mester skirbi nan pasombra si bo muri e obra aki tambe ta muri, pasombra ainda mi no a mira ku Dios a duna un otro hende pa sigui ku e obra aki."

Asina mi a kuminsá skirbi kada tópiko i parti pa hendenan ku tabata bini na kampaña óf esnan ku mi ta studia ku nan. I a resultá bon, pasombra nan tabata skucha i haña e tópiko skirbi tambe.

Mirando e poder di Dios den e 'Bérdat ku a sali Herusalém pa tur nashon' pa tantu aña te awe, mi a yega na e konklushon aki; ku si mi skirbi e mensahe den un buki, mi ta kumpli asin'aki ku e tarea ku Dios a duna mi.

Ku Dios bendishoná e buki aki. Ku Dios Su Spiritu hasi ku tur ku lesa e buki aki, komprondé i duna gloria na Dios. Biba ku e speransa di bida eterno mirando na e binida bienaventurá di nos Señor Hesu-Kristu.

P.S.

Mi a kuminsá studia Beibel na aña sesenta, e tempu ei tabatin e Testament Nobo den e tradukshon bieu na papiamentu i nos ta konsiderá e tradukshon ei mas inosente pasombra den e tempu ei no tabatin tantu kontroversia. Pa e rason aki mi a usa e tradukshon bieu di Testament Nobo na papiamentu pero ku ortografia di awendia, kaminda nos a usa e tradukshon di Beibel Santu nos a indiká esaki ku e léternan BS.

### Gradisimentu

*Mi kier a gradisi tur ku di un òf otro manera a kontribí pa e soño aki bira realidat. Speshalmente na Erick Albertus, kende a motiva mi pa skirbi e temanan aki.*

*Un danki na mi famia kompletu ku a enkurashá i sostene e plan aki; danki na Nuriette Bartholomeus, Shudally Martina i Angelique Bartholomeus ku a yuda tik.*

*Un danki di kurason na mi esposa Frieda Bartholomeus ku semper a apoya, anima i sostene mi den e obra di predikashon di e evangelio.*

*Dios bendishoná boso rikamente.*

Didi Bartholomeus

## Un konseho balioso

### Parti 1: Kon pa hiba Dios Su mensahe na otro hende.

Tin un relashon ku Dios i sa loke Dios ke pa hende hasi ta dos kos diferente. Un hende por tin un bon relashon ku Dios, pero e no sa kiko Dios ke pa e hasi. Esaki lo no dañá su relashon ku Dios. Sinembargo, ora ku Dios revelá Su boluntat na e persona i e rechasá esaki, siguramente e relashon lo kibra. Pa e motibu aki, no ta bon pa nos bisa un otro hende pa e buska Dios, pasombra ni un hende no por midí e relashon di otro ku Dios. Dios no ke pa nos papia asina ku otro. Bisa un hende pa buska Dios ta meskos ku bis'é: "Ami tin Dios, Abo si no tin'E!" Dios ta tristu pa e manera aki.

"Tabatin un sierto hòmbler na Cesaréa, ku yama Cornelio, kabesante riba shen, di un batayon, ku yama e Italiana. Un hòmbler religioso, ku tabata sirbi Dios, haciendo hopi limosna na pueblo, i ku semper tabata pidi Dios. Esaki a mira kla den un vishon pa tres ora di mérdia, un angel di Dios, ku a bin serka djé, bisando'é: Cornelio. I ku wowo fihá riba dje i mashá spantá, e la bisa: Ta kiko, Señor? I e la bis'é: Bo orashonnan i limosnanan a subi te na Dios i E ta rekordá nan. I awó, manda hòmbrenan na Joppe, i laga yama Simón, ku ta wórdú yamá Pedro. Esaki ta na kas di Simon, kurtidó, kende su kas ta pegá ku laman; esaki lo bisa bo kiko mesté hasi." Echonan 10:1-6

Dios a duna un fórmula kon nos mester papia ku otro. Dios a manda un angel serka Cornelio. E angel no a bisa Cornelio pa manda yama Pedro, sino e la bis'é ku su orashon i limosna a yega serka Dios i ku Dios a kórda di nan. Ku otro palabra e angel a bisa Cornelio: "Bo relashon ku Dios ta bon. Awor manda yama Pedro i e lo bisa bo kiko bo mester hasi." Ki bon manera di hasi Dios Su trabou!

"I un esposa, ku tin un esposo, ku no ta Kristian, i é ta boluntario pa biba serka djé, pa é no bandon'é. Pasobra e esposo, ku no ta kere den Kristu, ta santifiká pa e esposa; i e esposa, ku no ta kere den Kristu, ta santifiká pa e esposo; di otro manera boso yunan lo tabata impuru, ma awó nan ta santu." 1 Korintionan 7:13,14 Bérdat ku hende sin Dios ta impuru, i Pedro tabata kere ku Cornelio nan no tabatin Dios. Dios mester a laga un laken baha ku tur sorto di bestia riba dje, pa Pedro por a komprondé ku Dios ta Dios di tur hende! No ta ora ku hende bini na e kampaña e ta haña Dios, sino ta pasombra e tin Dios e ta bini, guiá pa Dios mes na e reunionnan di Dios. Manera Cornelio, nos tur mester laga un lugá habri, ya asina ku pa medio di e evangelio, Pedro i e otro apóstelnan por bisa nos kiko nos mester hasi

### Parti 2: No kondená nada promé ku bo analis'é kuidadosamente.

Si nos ta chapi den kura i nos mira un planchi ku nos no konosé, kiko nos ta hasi kuné? Kuida e planchi te ora ku e parí. Na su fruta nos lo konosé. E por ta palu di pera òf kualke otro fruta ku nos no konosé su palu. No kondená nada promé ku nos analis'é.

"Sea semper kontentu. Hasi orashon konstantemente. Gradisi [Dios] den tur kos; pasombra esaki ta e boluntat di Dios den Kristu-Hesus pa boso tur. No paga Spiritu Santu. No despresiá e profesianan. Pone tur kos na prueba; konserva loke ta bon." 1Tesalonisensenan 5:16-21 Palabra di Dios ta bisa nos pa saminá tur kos i konserva loke ta bon. Pasombra Dios Su pensamentu no ta nos pensamentu, ni Su kaminda no ta nos kaminda. Salbashon ta bini den un forma ku nos no ta spera.

Ken ta e promé hende ku a wak Hesus ku desgustu ora ku Hesus a bini na mundu? Hosé tabata sa ku un bírgen lo haña un yu ku lo salba mundu, pero e no por a kere ku ta su komprometida Maria. E la tuma ku Maria ta gaña i ku desgustu e la bai. E asuntu a bira asina serio ku Dios mester a manda un angel pa bisa Hosé ku e obra ta di Spiritu Santu. Mi ta kere ku Hosé a pidi pordon na Maria i Hesus brasando e barika ku a pon'é bai.

Asina ta pasa ku nos tur ora ku salbashon yega na nos. E no ta manera nos a sper'é. Juan Boutista a nase di un kas saserdotal i Hesus ku ta mas ku Juan Boutista ta nase den kas di un simpel karpinté. E kamindanan di Dios no ta nos kamindanan, pues nos no ta kondená nada promé ku nos investig'é ku kuidou.

**KU DIOS BENDISHONA NOS !**